

Oreng Celeng

Bekto sedulu cakna pak toa, pak toana jhukjhuk. E otan kampong saketarna Songae Teros bede oreng celeng. Caretana behwe oreng ento bede e otan lakena kalaben binena. E etongna are, andik anak lahir anakna teros se binena minta panyareaken kanceng pote. Minta panyareaken kanceng pote teros cakna lakena, “Ye, gik panyareakena,” ngocak ka binena. Akherna ebekto ngandung se binena edinala nyare kanceng pote ka otan. Are ka are, minggu ka minggu sambhik ka bulen ka bulen tak deteng. Sambhi lahir anakna, sambhik anakna raje. Samarena anakna raje, teros cakna makna abele ka anakna, “Nak sare pakna se nyare kanceng pote sambhik nengkene gik tak deteng.”

Akherna esare ka anakna. Ebekto esare teros atemo patek celeng. Atemo patek celeng. La mare atemo patek celeng etanyaaken kalaben bahasana se pade menosa ke binatang ngarte, sahingga acareta, “Eson reyak se andhik oreng. Anyama, a nyamana patekna Kumbheng, nyamana patekna Kumbheng. Tanyaaken sapa nyamana se oreng se andik se abhereng kadhirik,” ngoca’a. Kumbheng tak abela. Napak ka jheuna aleleng-leleng e delem otan siangna-siangna malem atemo jheran. Nyamana jheran Humos.

Akherna la lambek-la lambek bhuru detangla oreng, orengna bentukna tenggi, raje, celeng. Tak makaton ropa, a langsung ngocak ka Kumbheng patekna nenggelek, “Kumbheng, jereyak anakna eson. Kabela behwe eson reyak bepakna. Namun, anakna jereyak tao jek eson reyak aslina bepakna. Coman eson tak bisa ngabes kapola ropana eson la abentuk setan. Sehingga akherna kabela nantek mon la bekna nantek mole kabele ka makna behwe eson reyak nengkene abhereng patek abhereng jheran bede e otan la tak bisa pole apolong ka menosa biasana kapola eson la dhedhi oreng se bisa matakok ka oreng. Akherna mon sambhik toa nante mon bebde e otan patek sebut nyamana ‘Kumbheng.’ Mon bede nengkene jheran sebut nyamana ‘Humos.’ Ngalak tale ka kakalong-kalong. Tak kera ekakan ka eson. Eson jereyak la ngakan oreng reyak tak ngakan, gedheng tak ngakan dhegingla, pokokna la ngakan menosa bedena ekakan ka eson nengkene. Dhedhi caretana reyak kabela ka makna kasa. Eson la tak bisa mole. Mole la kasa ka makna behwe bupak la tak bisa, apolong kalaben oreng tea’ kapola oreng tea’ la laen alamna la dhedhi setan,” cakna bepak la ngocak menje.

Akherna emakna ye la narema apa bedena karena memeng bupakna tak bisa apolong. Akhirna ngajek buru ka kampong, dheri otan molela ka kampong. Abhela oreng kampong, behwe lakena sedulu la tak bisa apolong akan odik tak etemo dile odikna la bede e otan. A menjela caretana oreng celeng se esebut kalaben a cakna oreng songae bengsa, ‘Oreng celeng.’ Oreng mon bede e otan-otan ekatako’e oreng kapola ngakan oreng.

